



WÉI FONCTIONNÉIERT D'PATENSCHAFT VUM CENTRE NOOMDO?

Eis iwwer 7 Joer laang Erfahrung huet eis dozou bruecht, eis fir eng kollektiv Patenschaft (amplaz vun enger individueller) ze entscheeden, fir eng méi nohalteg a gerecht Gestiou vum Heem ze garantéieren. Jiddwer Spender kann de Betrag pro Mount (op mannst 30€), deen e wëllt spenden, selwer festleeën. Als Géigeleeschtung gëtt de Spender regelméisseg mat Informatiounen zum Liewe vun de Kanner duerch de Bulletin Noomdo um Lafende gehalen. Spender dierfe mat de Kanner Kontakt ophuelen oder si am Heem besiche kommen.

Mir empfänken lech gären!

Är regelméisseg Donen* halen den Zenter um Liewen. Fir dëst ze verbildlechen, sinn ënnendréiner 4 Aarte vu Versuergungen opgelëscht:

D'komplett Versuergung (Don vun 110€ / Mount) entsprécht:

- + Der Versuergung vun engem Kand (lessen, medezinesch Versuergung, Kleeder, Sclarisierung, schoulesch Betreiuung, Fräizäitaktivitéiten);
- + Der Deckung vun de lafende Käschten (Ënnerhaltung vum Gebai a vum Equipment);
- + Der Pai vum Personal, dat sech ëm d'administrativ a finanziell Gestiou vum Zenter bekëmmert.

D'partiell Versuergung (Don vu 70€ / Mount) entsprécht:

- + Der Versuergung vun engem Kand (lessen, medezinesch Versuergung, Kleeder, Sclarisierung, schoulesch Betreiuung, Fräizäitaktivitéiten);
- + der Deckung vun de lafende Käschten (Ënnerhaltung vum Gebai a vum Equipment).

D'Basisversuergung (Don vu 55€ / Mount) entsprécht:

- + Der Versuergung vun engem Kand (lessen, medezinesch Versuergung, Kleeder, Sclarisierung, schoulesch Betreiuung, Fräizäitaktivitéiten).

D'Minimalversuergung (Don vun 30€ / Mount) entsprécht:

- + Der Versuergung vun engem Kand mat lessen.


KONTAKTÉIERT EIS, FIR SPENDER ZE GINN!

*Dës Donen si vun de Steieren ofsetzbar. Fir all aner Donen (Eenzelen Don, Don vu Saachen, Hannerloossenschaften, Sponsoring, Don duerch eng Firma) kontaktéiert eis w.e.g.

INFOS:

ONG le Soleil dans la Main

48, Duerfstrooss
L-9696 Winseler (Luxembourg)
Tél: (+352)621 561 261
contact@asdm.lu / www.soleil.lu



DEELE KA JIDDEREEN

BANKDONNÉË FIR DONEN:

Zu Lëtzebuerg
CCPL: LU43 1111 2051 2264 0000
BCEE: LU74 0019 1955 6943 7000
A Frankräich
SOGÉ: FR76 3000 3024 5300 0505 0740 835
SWIFT/BIC: SOGEFRPP
Am Burkina Faso
BF083 00018 1417 3502 3401 14

D'ONG fir Entwécklungshëllef Le Soleil dans la Main ass 2002 vun e puer Kollege gegrennt ginn. Zur Zäit beschäftegt si 34 Salarieën am Burkina Faso an 2 zu Lëtzebuerg, déi fir d'Ausféierung vun de Projeten zoustänneg sinn. Ronn 30 Fräiwëlleger këmmere sech ëm d'Sammelen an d'Administratiere vun de Fongen. Jiddereen, vu Lëtzebuerg bis an de Burkina Faso, gëtt vu senger Zäit, sengem Wëssen a senger Energie fir deenen Hëllef ze bréngen, déi se am néidegste brauchen.

MAACHT MAT OP ÄR MANÉIER!



CENTRE
Noomdo
le Soleil dans la Main

Een Heem fir
Kanner an Nout



**LËTZEBUERG
BURKINA FASO**
le Soleil dans la Main
ONG-D



Kannerheem
zu Koudougou

NOOMDO, E LIEWENSPROJET!

Mir hoffen, datt alles, wat d'Kanner während hirem Openthalt am Centre Noomdo léieren, hinnen d'Méiglechkeet gött, hiren eegene Liewensprojet opzebauen.



D'Kanner aus dem Heem NOOMDO



Futtbalsmatch um Terrain



Spull an Zesummeliewen



ENG BEVËLKERUNG ËNNERSTËTZE FIR KEEN ZE VERGIESSEN

Es sozialen a globale Projet wéi de Centre Noomdo ass ambitiéis an deier, mee hien ass a senge Moossen eng wichteg Friddensquell an enger fragilisierter Welt. Fir deem gerecht ze ginn, schafft d'ONG Le Soleil dans la Main **Hand an Hand** mam Staat (ënner aneren der Direction Provinciale de la Femme, de la Solidarité Nationale et de la Famille; der Geméng vu Koudougou; der Direction Provinciale de l'Education Nationale et de l'Alphabétisation; dem District Sanitaire de Koudougou), mat den Duerfbewunner aus der Géigend, mee och mat ähnliche Strukturen, déi am Burkina Faso aktiv sinn. D'Zesummenaarbecht mam Service National de la Jeunesse zu Lëtzebuerg erméiglecht et, zäitweis Volontairen an de Centre ze schécken.

D'Aktioun vun der ONG ass fest verankert an een nohaltege Beweis fir d'Solidaritéit tëschent verschidde Bevëlkerungen. Dëst ass méiglech dank der moralescher a finanzieller Ënnerstëtzung vun den Donateuren an dank dem Kofinanzement vum Lëtzeburger Ausseministère.

NOOMDO, E PROJET FIR D'LIEWEN!

DE CENTRE NOOMDO, ENG EENZEGAARTEG PLAZ

De Centre Noomdo empfängt Kanner vu 6 bis 18 Joer, déi an enger schwieeger sozialer Lag sinn. Wéi een Heem bitt dës Struktur eng komplett Betreuung vun de Kanner un, mee begleet och den noe Familjekrees.

Eise Centre kann 136 Kanner empfangen. D'Personal léist sech of, fir d'Kanner permanent z'encadréieren. 10 «Tantien» si fir déi familiär Dimensioun zoustänneg. Dobäi kommen e Chauffeur a Logistiker, 3 Wiechter, ee Kach, eng Comptabel an den Direkter. Eng Equipe vu Spezialisten ass zoustänneg fir déi psychologesch, schoulesch, kulturell, sportlech a gesondheetlech Begleitung vun de Kanner. Fräiwëlleger aus Lëtzebuerg erweidern dës Equipe reegelméisseg. Dank deene Leit kann de Centre Noomdo, deen de 19. Februar 2017 ageweit ginn ass, guft fonctionnéieren. D'Gebai gött ëmweltfrëndlech an ethesch bedriwwen (Architektur, Solarenergie, Offallentsuergung, Gestuon vum Waasser, lokal Produiten, Respekt virun all Glawen...)

Schoulesch Ënnerstëtzung

Entspannung a Spaass am Refectoire

D'«Tantien»

